

## COMISSÃO DE INFRAESTRUTURAS

---

### RELATÓRIU

#### VIZITA MUNISÍPIU BAUCAU

#### I. INTRODUSAUN

Komisaun E Parlamento Nasional maka, Komisaun Espesializada Permanente nebe assegura iha órganika Regimental Parlamento Nasional Timor-Leste, ho knar ba akompañamentu iha âmbito espesialidade nian, nebe ligado ho asuntos no materias hanesan : (i) kona ba atividade legislativa; (ii) kona ba controlo no fiscalizasaun ba atividades Governo nian nebe hatur iha Regimentsu Parlamento Nasional número 3 artigu 95 no número 3 artigu 145 Konstituisaun Demokrátika de Timor Leste, no alínea c) artigu 35 no artigu 79 tamba ne'e, realizasaun ba visita ne'e organiza tuir dispozisaun regimental nebe iha.

Regimentsu Parlamento Nasional, fo kompetensia ba Komissaun Espesializada Permanente sira, hodi hatene tuir assuntos Polítikus, administrativus no apresia atus Governo nian;

Visita téknika ne'e enquadra tuir Plano atividade Komissaun E ba tina 2020 inklui mos Despacho No. 2649 husi Prezidente Parlamento sesante ligadu ho petisaun nebe requere husi pessoas seguransas Sub Estasaun Olio Pesado iha Municípiu Baucau no Manatuto. Plano Visita ne'e hetan aprovasaun husi deliberasaun reuniaun Komissaun iha loron **13 de Abril de 2020** ho despacho PPN no **2268 13/05/2020** nebe define visitas de trabalhos ba iha Municípiu Baucau ho objetivu observa facilidade no sistema

servisu ba operasaun liña transmissaun no distibusaun eletrisidade iha Municípiu Baucau.

Informasaun jeral Municípiu Baucau Geográficamente iha luan 1,494 km2 ho populasaun nain 111,694 tuir sensus 2010. Administrasaun Munisipal Baucau iha Posto Administrativus 6, sucos 59 no aldeia 282

## **II. AUTORIZASAUN**

Iha deliberação reunião Comissão E ne'ebé realiza iha lora 27-29 Abril 2020, hodi decide visita fiscalização ba Municípiu Baucau ne'ebé apresenta ba PPN hodi hetan autorização ho **despacho nº 2268 13/05/2020**.

## **III. KOMPOZISAUN DELEGASAUN**

Delegação visita ba Municípiu Baucau Composta husi:

- |   |                              |
|---|------------------------------|
| 1. Deputadu Abel Pires da Silva, PhD.   | <b>(Presidente)</b>          |
| 2. Deputadu Fabião de Oliveira          | <b>(Vise-Presidente)</b>     |
| 3. Deputada Maria Anabela Sávio         | <b>(Sekretária)</b>          |
| 4. Deputadu Mariano Fatubai Mota        | <b>(Membro)</b>              |
| 5. Deputadu Adriano do Nascimento       | <b>(Membro)</b>              |
| 6. Deputada Ligia F. Coelho da Silva    | <b>(Membro)</b>              |
| 7. Deputadu Domingos Carvalho de Araújo | <b>(Membro) (Jutifikadu)</b> |
| 8. Deputadu Marcos Xavier               | <b>(Membro)</b>              |
| 9. Deputadu Fransisco David X. Carlos   | <b>(Membro)</b>              |

Acompanha husi Técnicos Comissão E, Engenheiro Gui Daniel, Justino Babo, Escoltas nain 2 no Jornalistas nain 2.

#### **IV. OBJETIVU HUSI VISITA**

1. Fiskalizaun ba atividade vizita ne'e bazeia ba despassu presidente Parlamentu Nasional, relaciona ho petisaun husi traballador Seguransa Lorosa'e sira maka hatama mai Parlamentu Nasionál.
2. Halo konfirmasaun direita ba fatin servisu iha área Munisípiu Baucau no Munisípiu Manatuto, hodi hasoru malu ho traballador sira maka serbisu iha Kompañia Seguransa Lorosa'e.
3. Relata relatoriu vizita ba Parlamentu Nasionál.

#### **V. PROGRAMA VISITA**

Visita técnica ne'e tuir agenda ne'ebé decide hó programa hanesan tuir mai:

1. Visita ba fatin projeto:
  - a. Visita ba Sub Estasaun Baucau no halao encontro ho Pessoal seguranga Lorosae;
  - b. Visita ba Sub Estasaun Munisípio Manatuto no halao encontru ho Pessoal seguransa Lorosae.

##### **V.1.a Visita ba Sub Estasaun Munisípiu Baucau**

Reuniaun ne'e realiza iha lora Segunda-feira 27/04/2020 oras 14:00-15:30. Presidente Comissão hateten programa objetivo Visita ba Olio Pesado Sub estasaun Munisípio de Baucau maka hanesan:

- 1) Atu hatan no recolha informasaun sira kona ba pedido husi pessaol seguransa guarda Lorosae nebe hato'o petisaun direta ba Presidente Parlamento Nacional sesante;
- 2) Atu observa condisaun Geral iha Sub Estasaun
- 3) Atu hatene tuir iha Sub Distrito Baucau hanesan Venilale no quelicai sempre akontese ahi mate lakan ka drop.

## **Intervensõesn deputados sira**

iha reuniaun ne'e deputados sira hato'o inervensõens hirak hanesan tuir mai:

- 1) Husu esplicasaun kona ba situaun geral ligado ho Sub estasaun Olio pesado no tamba sa maka sempre akontese black out ka ahi mate iha sub distrito balun Munisípiu Baucau;
- 2) Comissaun E buka atu soluciona nafatin problema nebe Pessoal seguransa guarda lorosae enfrenta tamba durante tinan ida seidauk simu salario husi Companhia Garda Mor nebe hahu husi fulan Junho 2019 to'o agora maibe competência exclusiva cabe ba Governo atu toma medidas;
- 3) Olio pesado nudar património do estado nebe essencial tebes hodi fo naroman ba povu tomak iha territorial Timor Leste, tamba ne'e persija nafatin apoio seguransa nebe rigoroso no adequado hodi assegura nafatin património estado;
- 4) kondisaun ba facilidade olio pesado diak nafatin tamba sempre hetan seguransa ida nebe diak husi pessoal seguransa sira tamba husu ba Pessoal seguransa Lorosae atu mantein nafatin hodi fo apoio ba seguransa.
- 5) Iha ona klae mediasaun entre Companhia Guarda Mor no Guarda Lorosae no tuir lolos Governo liu husi Sepfope maka tem que sai mediasaun ba Companhia rua ne'e;

## **VI. KONTESTU**

### **A. Sorumutuk ho Trabalhador Sira iha Sub Estasaun Oleo Pezadu Munisípiu Baucau**

Iha vizita ida ne'e, delegasaun Komisaun simu ho antusiasmu no haksolok tamba, trabalhador sira apresia no tau konsiderasaun as tebes ho prezensa husi Parlamentu Nasional liu-liu Komisaun ne'ebe maka trata ba assuntu Infra-estruturas. Presidente Komisaun Infra-esruturas, Deputadu Abel Pires da Silva, iha nia introdusaun informa

kona ba objetivu prinsipal husi vizita Komisaun nian maka, hakarak kumpri ba pedidu husi traballador sira, liu husi petisaun ne'ebe hato'ó iha Parlamentu Nasionál. Informasaun nebe'e maka delegasaun Komisaun hetan iha terrenu kona-ba preokupsaun no lamentasaun traballador sira nian maka hanesan tuir mai ne'e:

- a) Durante fulan sanulu resin ida ona maka trabalhador sira preokupa tamba, laiha vensimentu husi Kompañia Lorosa'e Seguransa nebe'e maka kontrata ona sira hanesan funsionariu kontratadu hodi asegura patrimoniu estadu nian iha fatin refere. Maske sira la hetan salariu maibe, sira nafatin iha vontade diak no ispiritu nasionalismu hodi fo nafatin kontribuisaun liu husi apoiu tomak maske nessesidade familia nian ejize.
- b) Kompañia Lorosa'e Seguransa la fo konhesimentu ba trabalhador sira iha Sub Estasaun refere kona ba atu substitui fali Kompañia GARDAMOR.
- c) Kompañia GARDAMOR nebe'e maka atu subtitu Kompanha Lorosa'e Seguransa hakarak atu eksklui tiha trabalhador balun no la fo uluk koñesimentu antes, no halo diskrimanasaun ba trabalhador sira.
- d) Total trabalhador iha Sub Estasaun Oleo Pezadu Munispiu Baucau hamutuk 39 pessoas.



**Fotografia1: Sorumutuk ho Traballador Seguransa iha Sub Estasaun Oleo Pezadu Munisipiu Baucau**



***Fotografia2: Fiskaliza sistema kontrolu iha Sub Estasaun Oleo Pezadu Munisípiu Baucau***

Depois-de rona tiha preokupasaun trabalhador sira nian iha Sub Estasaun Oleo Pezadu Munisípiu Baucau, delegsaun kontinua fali viajem ba iha Sub Estasaun Oleo Pezadu Munisípiu Manatuto, hodi hare no rona rasik preokupsaun husi traballador sira.

## **B. Sub estasaun Oléo Pezadu Munisípiu Manatuto**

Kontinusaun ba vizita delegasaun iha Sub Estasaun Oleo Pezadu Munisípiu Manatuto, situasaun nebe'e trabalhador sira hasoru, hanesan mos ho trabalhador iha Sub Estasaun Oleo Pezadu iha Munisípiu Baucau ninian katak:

- a) Durante fulan sanulu resin ida ona maka trabalhador sira preokupa tamba, laiha vensimentu husi Kompana Lorosa'e Seguransa nebe'e maka kontrata ona sira hanesan funsionariu kontratadu hodi asegura patrimoniu estadu nian iha fatin refere. Maske sira la hetan salariu maibe, sira nafatin iha vontade diak hodi kolabora nomos iha ispiritu nasionalismu hodi fo nafatin kontribuisaun liu husi apoiu tomak maske nessesidade familia nian ejize.
- b) Kompana Lorosae Seguransa la fo konhesimentu antes mos ba trabalhador sira iha Sub Estasaun refere kona ba atu substitui fali Kompanhia GARDAMOR.

- c) Kompana GARDAMOR nebe'e maka atu subtitu Kompanha Lorosa'e Seguransa hakarak atu eksklui tiha trabalhador balun no halo diskrimanasaun ba trabalhador sira iha servisu fatin.
- d) Total trabalhador iha Sub Estasaun Oleo Pezadu Munisipiu Manatuto hamutuk 38 pessoas.
- e) iha mos informasaun ida kona-ba trabalhador ida ho naran Nelson da Costa Soares ho idade 39 anos, nebe iha loron quinta-feira, 11 Juñu 2020 oras 11h00 otl mate tara a'an tamba, laiha ona solusaun ba pessoal ne'e hodi bele sustenta nessesidade familia nian no husik hela faluk no oan kiak nain-lima nebe'e maka presija tebes apoiu moral iha futuru nebe'e mai.



**Foto3 : Sorumutuk ho Traballador Seguransa Lorosa'e iha Sub Estasaun Oléo Pezadu iha Munisípiu Manatuto**



***Foto3 : Sorumutuk ho Traballador Seguransa Lorosa'e iha Sub Estasaun Oléo Pezadu iha Munisípiu Manatuto***

Remata fiskalizaun iha Munisípiu Baucau no Munisípiu Manatuto, Delegsaun kontinua viajem hodi fila fali mai Dili.

## **VII. KONKLUAUN**

Husi rezultadu vizita ida ne'e, konkluaun Komisaun nian maka hanesan tuir mai ne'e:

1. Laiha vontade husi kompañia Lorosa'e Seguransa, Gardamor no Ministériu Obras Públikas hodi rezolve problema nebe'e maka traballador sira infrenta.
2. Laiha koordenaun nebe'e diak hodi solusiona halerik traballador sira nian.
3. Kria konflitu hodi hamosu diskriminasaun iha servisu fatin no abandona hela direitu traballador sira nian.
4. Fo ameasa ba vida moris hanesan humanu hodi halo traballador sira maka sai vitima.



## **VIII. REKOMENDASAUN**

Hare ba problema nebe'e maka mosu iha fiskalizaun ida ne'e maka, liu husi relatoriu refere, Komisaun nia obrigasaun atu halo rekomenaun ba Governu hanesan tuir mai ne'e:

1. Rekomenda ba Governu, liu husi Ministeriu Obras Publikas (MOP) katak, tenki rezolve no solusiona dezentendimentu entre traballador no kompana sira hodi labele prejudika vida humana hanesan mos sidadaun ida iha rai ne'e;
2. Rekomenda ba Governu, liu husi Ministeriu Obras Publikas (MOP) miniseriu Defeza no Seguransa, atu iha futuru tenki hola inisiativa rigoroju ba Kompana sira nebe'e maka la kumpri ba regras nebe'e iha tuir kontituisaun difini ona.
3. Rekomenda ba Governu liu husi Ministeriu Obras Publikas (MOP), Defeza no Seguransa atu bele kontratu traballador sira iha direktamente sai hanesan funsionariu publiku ida nebe'e maka bele moris ho dignu hodi asegura patrimoniu estadu nian ba tinan naruk;
4. Rekomenda ba Governu, liu husi MOP hodi kaer metin prinsipiu estadu hodi defende direitu traballador sira nian nudar sasukat ida atu nune'e labele hamosu prejuizu ba estadu;
5. Atu asegura patrimoniu estadu nian ba tinan naruk hodi responde ba nessesidade povu Timor Leste nian, tenke halao servisu ho fuan no laran mos ba interese komum.

Ida ne'e maka resultado vizita komissaun de Infra Estruturas e Equipa nian ba iha distritus no husu autoridade competente atu halo konsiderasaun ba relatoriu ne'e.

**IX. VI. Aprovasaun do Relatório**

Relatório ida-ne'e diskuti no aprovađu iha Sala Komisaun Infra-estruturas iha loron kinta-feira, 25 Juńu 2020, ho votus a favor nen [6], votus kontra zero [0] abstensaun zero [0].

**Parlamento Nacional, 25 Juńu 2020.**

Prezidente da Komissaun,

A Relatora,

**Abel Pires da Silva P.h.d**

**Maria Anabela Savio**